

25. oktober 2022

UKA2022/73

Nakorsat kigutillu nakorsai kalaaliusut sooq ilinniagartik arlalitsigut nunatsinni atornagu nunattali avataani atortarneraat kvalitativiusumik misissorneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut
(Inatsisartunut Ilaasortaq Anna Wangenheim, Demokraatit)

Siunnersuummut qujalluta Siumumit imaattumik oqaaseqarfigissavarput

Nakorsaqarniarneq, nakorsaagunik (paasinnittariaaserput) kigutinillu nakorsaqarnerput pillugu siunnersuut soqutiginarlutut isigivarput.

Nakorsarpassuarnik amigaateqarluta ilisimalersimavarput tamannalu annikinnerulernaviangilaq nunani nakorsaqarniarnitsinnut suleqatigisigasut assingusumik ajornartorsiuteqarmata.

Taamaattorli nakorsaqaraluarput nammineq akilersimasatsinnik akilersorsimasatsinnillu, tamanna ilinniarnermik annertuumik Nunatta akiligaanik ilinniarsimaneq sulii nalaattarparput Kalaaleqatitsinnut pisussaaffiliinngitsoq Nunatsinnut utertitseqqissalutik.

Siumumimiit maluginiarparput Naalakkersuisut akissuteqaatimini atorfinitsitsiniarnermut tunngatillugu peqqinnissaq pillugu ataatsimiisitaliarsuarmi saqqummiussinissaat aallavigalugu isumalluuteqartut. Tamanna aamma Siumumiit qilanaarluta utaqqivarput, tulleriaarnermi Siunissami peqqinnissaqarfipput qanoq ilusilerluni pitsaanerusunngortinnissaa eqqartueqataaffigilersinnaangussagatsigu.

Taamatut naatsumik oqaaseqarluta siunnersuut itigartipparput.

Hans Peter Poulsen, Siumut